

**CENTRALNA BANKA
BOSNE I HERCEGOVINE**

Broj: 150-15-4-79-3/19 DM
Sarajevo, 22.01. 2019. godine

Na osnovu člana 69. stav (2) tačka e), člana 70. st. (4) i (6) Zakona o javnim nabavkama („Službeni glasnik BiH“, broj 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (3) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o poništenju postupka javne nabavke usluga - održavanja elektroinstalacija

Član 1.

(1) Ovom odlukom se poništava postupak javne nabavke usluga održavanja elektroinstalacija, koji je proveden putem otvorenog postupka nabavke, procijenjene vrijednosti u iznosu od 15.000,00 KM (slovima: petnaest hiljada i 00/100 konvertibilnih maraka).

(2) Postupak nabavke iz člana 1. ove odluke poništava se iz razloga što je vrijednost zaprimljene ponude ponuđača, u ovom postupku javne nabavke znatno veća od osiguranih sredstava za predmetnu nabavku.

Član 2.

Za realizaciju ove odluke zadužuju se Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova odluka će se objaviti na web stranici Centralne banke Bosne i Hercegovine, www.cbbh.ba, u skladu sa članom 70. stav 6. Zakona o javnim nabavkama („Službeni glasnik BiH“, broj 39/14).

O b r a z l o ž e n j e

Postupak javne nabavke usluga održavanja elektroinstalacija, putem otvorenog postupka nabavke, pokrenut je Odlukom o pokretanju postupka, broj: 150-15-4-2930-2/19 SR od 06.12.2019. godine i broj: 150-15-4-2930-4/19 SR od 11.12.2019. godine.

U skladu s tim, Centralna banka je 14.12.2018. godine na portalu Javnih nabavki objavila Obavještenje o nabavci broj: 1370-1-2-713/18, temeljem čega je objavljena Tenderska dokumentacija za nabavku usluga održavanja elektroinstalacija, broj: 150-15-4-2930-5/18 od 14.12.2018. godine (u daljem tekstu: TD).

U roku za dostavljanje ponuda određenom u TD, pristigla je jedna ponuda i to ponuda ponuđača BBM d.o.o. Sarajevo, Branislava Đurđeva 12, Sarajevo.

Ponuda navedenog ponuđača ispunjava sve uvjete tražene u TD. Nadalje, ponuđač je dostavio ponudu u iznosu od 14.997,21 KM bez uračunatog PDV-a. U obrazcu za cijenu ponude - Prilog 2. TD, u napomeni, navedeno je da će se na konačnu cijenu ponude dodati iznos od 7.000,00 KM za nespecificirane radove (detekcija kvara, nabavka i zamjena dijelova do potpune funkcionalnosti). Shodno ovako postavljanim uvjetima, kada se zbroji iznos ponude od 14.997,21 KM i 7.000,00 KM


za nespecificirane radove, dobije se ukupna vrijednost ponude u iznosu od 21.997,21 KM. Dakle, ukupna vrijednost ponude je veća od osiguranih sredstava za 6.997,21 KM. Sve ove činjenice su obrazložene u Zapisniku o pregledu i ocjeni ponuda, broj: 149-15-35-5/19 od 14.01.2019. godine, sačinjenog od strane nadležne komisije.

Cijeneći sve navedeno, a imajući u vidu odredbe člana 69. stav (2) tačka e) Zakona o javnim nabavkama, cijena prihvatljive ponude je znatno veća od osiguranih sredstava za predmetnu nabavku, te je odlučeno kao u dispozitivu ove odluke.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

GUVERNER
dr. Senad Softić
dr. Senad Softić



Dostaviti:

- Uredu guvernera
- Viceguvernerima
- Uredu glavnog internog revizora
- sekretaru Uprave i Upravnog vijeća
- predsjedniku i članovima Komisije
- Odjeljenju za računovodstvo i finansije (original)
- Odjeljenju za zajedničke poslove
- Odjeljenju za javne nabavke (original)
- Odjeljenju za ljudske resurse
- u spis predmeta (original)